

*image  
not  
available*

**B. 17**

5  
823  
7

BIBLIOTECA NAZIONALE  
CENTRALE - FIRENZE

D 3452.3

DE NOVISSIMIS  
ETRURIAE LEGIBUS

EXERCITATIO



FLORENTIAE MDCCXXXI.

\*\*\*\*\*  
\*\*\*\*\*  
Ex Typographia Bonducciana  
Censoribus Approbantibus.

IOSEPHO . BENCIVENNI . PELLI  
PRÆSTANTISSIMO . ET . NOBILISSIMO . VIRO  
QUI  
IN . IURISPRUDENTIA . PHILOSOPHIA  
OMNIQUE . DOCTRINÆ . GENERE  
EXCELLENS  
REGIÆ . PINACOTHECÆ  
PREEST  
IOANNES . GUALBERTUS . BECHI  
AMICO . DULCISSIMO  
EXERCITATIONEM . HANC  
STUDIORUM . SUORUM . FRUCTUM  
D. D. D.

12. DIC. 1980

B<sup>o</sup> 17-5. 823. 7



ÆPE mecum cogitabam, o  
 Vir Clarissime, qui inter a-  
 micitiæ, & philosophiæ cul-  
 tores nemini es secundus,  
 quam pauci in tanta Docto-  
 rum, ac Sapientum, qua laboramus co-  
 pia in legibus explicandis, aut interpre-  
 tandis earumdem legum spiritum, &  
 causas inquirant. Quamvis sane multi in  
 hujusmodi versentur exercitationibus, at-  
 tamen fere omnes eorum qui in Juris-

A 2

prudentia vocantur magistri, quasi servum pecus vestigia sectantes, longe a veritate aberrant, & distant. Ob quam causam a multis examinatur quæstio, an utilius sit verba prout sonant accipere, an potius spiritus, aut ratio legum sit investiganda, quemadmodum placuit Philosophis, & quemadmodum Quintilianus affirmat (1) „ *Omnis iuris quæstio, aut verborum proprietate, aut æqui disputatione, aut voluntatis coniectura continetur, quorum pars ad rationalem, pars ad moralem Philosophiam redundat.* „ Ipsi quidem Iurisconsulti sapienter judicarunt philosophia duce, & auspice justitia sensum magis quam literas, aut verba inspicere debere, veluti Celsus, & Modestinus loquuntur „ *Scire leges non hoc est verba eorum tenere, sed vim, ac potestatem* (2) „ *Et si maxime verba legis hanc habent*

(1) Instit. Lib. II. Cap. II.

(2) in Leg. Scire Dig. de legibus.

<sup>5</sup>  
*intellectum, tamen mens Legislatoris aliud  
vult* „ (3) Ac in pluribus quamvis locis  
prævaleat opinio, leges esse striete ad lit-  
teram explicandas, nec ulterius protra-  
hendas, aut restringendas, nihilominus  
asserere audentius non dubitamus vete-  
rum Doctorum innixi auctoritati, magis  
æquitati, & philosophiæ consonum esse,  
leges non iuxta verborum simplicitatem,  
sed iuxta Legislatoris verisimilem volun-  
tatem, & populorum mores interpretari.  
At quoniam hæc duæ opiniones in E-  
truria regia potestate minime fuerint  
concordatæ, ideo evenit, ut discordes  
sententiæ sæpe in iisdem controversiis  
proferant iudices, & Iurisperiti innume-  
ras, & prolixas consultationes in lucem  
edant. Quibus reparandis malis Civita-  
tes jus Statutarium promulgarunt, quod  
etiam ius municipale dictum est, & Le-  
gislatores ad casum opportunitatem no-

A 3

(3) in Leg. scire oportet Dig. de excusationib.

vas statuebant leges, quarum multiplici-  
tas, & discrepantia lites, & ambages au-  
gendo, inimicitias, dissidiisque magnum  
præbebant alimentum, & ita novum  
priore deterius malum exoriebatur.

Et revera dum confusionem inspi-  
mus, quæ ex tanta legum multiplicitate,  
sive discrepantia producitur, minime ab  
exclamando cum Satiricorum Principe  
possumus abstinere. (4).

*Qui iuris nodos, & legum enigmata solvat?*  
Et nemo est qui non cupiat, ut redeant  
illa aurea Saturni tempora, quibus O-  
vidio teste unusquisque

*Vindice nullo*

*Sponte sua sine lege fidem rectumque co-  
tebat.* (5)

At quoniam fuerunt a Poetis ficta Sa-  
turnia regna, vel justa ira Dei redire  
non sinit, cum tot malorum generibus,

(4) *Juvenalis Satira VI.*

(5) *In Metamor. Lib. I.*



7  
quibus infœlix mortalium natura angitur  
saltem non conspirent leges, quas homi-  
nes fere divini ad humanam felicitatem  
populis edixerunt.

Hæc graviter cogitans Princeps olim  
noster Petrus Leopoldus, nunc Impera-  
tor Augustus, cuius beneficentissimus,  
& providissimus animus nullam sibi per-  
misit requiem, donec quid utilius inspi-  
ceret, decrevisset, veteres instauravit di-  
spositiones, novas adiunxit, atque Etru-  
riæ fatum firmiter constituit. Præ ceteris  
~~semper eris immortalitate dignus Codex~~  
pœnalis, qui non solum sub ipsius au-  
spiciis, sed ipso auctore compositus ad-  
mirationem, & laudes totius Europæ iu-  
re meruit obtinere. Humanitas, & Cle-  
mentia Principis dignæ comites, usque  
adhuc exules, per ipsum quasi triumphan-  
tes redeunt, atque horrida præteritæ  
ætatis aufugit barbaries. Mortis pœnam,  
cujus nequidem lugubre spectaculum im-

probos homines a scelerum tramite po-  
 tuit revocare, abrogavit, memor quod  
 supremus Mundi Arbiter tantum vitæ, &  
 necis est dominus, nec sub ejus impe-  
 rio nocentium sanguinem effudit ultor  
 justitiæ gladius, sed mitioribus substitu-  
 tis pœnis rubiginosus, atque inutilis hæ-  
 sit humi. Tormentorum instrumenta,  
 quibus obsistens reus imperterritus ju-  
 stam evadit punitionem, pavidusque in-  
 nocens sæpe damnatur ad supplicium,  
 destruxit, & oh utinam cum ipsis invisa  
 Phalaridum, & Neronum periisset me-  
 moria! Lesæ Maiestatis crimina, bono-  
 rumque confiscatio, quæ regium olim  
 locupletabant thesaurum, modo nec uxo-  
 rem, aut filios, coniuge, aut patre vi-  
 duant, nec omnibus substantiis exutos  
 ad ultimam redigunt ignominiam, atque  
 mendicitatem. Justa denique inter cul-  
 pas, & pœnas proportio admiratur, se-

cundum illud Horatii (6) dictum <sup>9</sup> qui  
canit:

*Adsit.*

*Regula peccatis quæ pœnas irroget equas,  
Ne scutica dignum horribili sectere flagello.*

Ille autem maluit civem, & patrem esse, quam principem, & dominum, atque ut Plinii (7) verbis loquar, credidit tanto magis excellere, quantum se se unum ex nobis esse putabat.

Novam quoque Juris Civilis Collectionem necessitas temporum, veterum legum ~~oblivio, copia, vel discrepantia~~ exposcebant, & Leopoldus post multas editas constitutiones, quibus & abusus corrigere, & meliora antiquorum placita iterum in lucem suscitare proposuit sibi, novi Codicis executionem commisit Iurisconsulto summo, atque simul Philosopho, qui præ cæteris tanto dignus mu-

(6) *Lib. I. Satira III.*

(7) *In Panagy. ad Traianum.*

10  
nere, quum Civitatis, & Curiae sit ornamentum, & decus, haud dubie publicis omnium satisfaciet votis,

At maxime Principis humanitas, & sapientia refulgent in legibus, quarum solamen colonorum, & pauperum scopus erat praecipuus; quamvis in omnibus beneficentia eminenter appareat, rectique amor quasi sidus in tenebris dominetur. Beneficiorum immemor vulgus intelligat, cui meliorem conditionis, suae constitutionem debeat, nec coecus, aut demens optatae felicitati audeat adversari.

Et profecto si ad divitum, & possidentium statum respicitur, quid felicius? Et contra quam inopum, & artificum conditio quid tam erat tristius? Dum honoribus, & immunitatibus divites fruebantur, pauperes tantum labores, & onera sustinebant. Oportebat igitur haec duo extrema inter se nimium disiuncta propius accedere, ut fatali ablato discri-

mine, cuius causa dissidia, atque exoriantur inimiciæ, omnes mutuo amore flagrantes communem patriam diligerent, utque non quasi æmuli, aut inimici, sed quemadmodum jussit hominum Parens, & Dominus, quasi concives, aut fratres invicem agnoscerentur.

Neque jam perfectissimam substantiarum, ac graduum æqualitatem consequi posse arbitramur, veluti commendatur in divini Platonis republica, & solummodo minus injustam bonorum retributionem suadere nitimur, ut publica felicitas firmioribus jugiter consolidata fundamentis ædificetur. Lacedæmonum Civitas æqualitatis legibus regebatur, nec ullum sane imperium maiorem virtutis, & sapientiæ celebritatem adeptum est. Improbum autem dicere solebat Curius, civem esse, cui pars, quæ unius hominis alimentis sufficiat, parva videatur. Et quid reipsa societati prosunt, aut a-

varus Crassus, aut mensæ, equorumque amans Lucullus? Non ne melius foret, ut tot divitiæ in paucas congestæ familias ad omnes transmitterentur cives, qui bonis satis instructi utilius pro patria semetipsos impenderent?

Salutiferam hanc mutationem Legumlatores solum possunt efficere, quæ veluti communiter divulgatur, difficilis adeo non est, ut vir fortis debeat ab inceptis recedere; Leges enim omnium Civium æqualitati innixas dedere Spartanis Lycurgus, Atheniensibus Solon. Lex agraria pariter, quam Gracchi, ut ratam haberet, ad Romanum populum obtulerunt, in hoc unum spectabat exitum, & plures Græciæ civitates illam perpetrare non dubitarunt. Ipsi vere sub eiusdem ponderis gravitate miserrime exciderunt, sed nihil poterat ab illis fieri gloriosius, quam pro justitia, & patriæ incolumitate vitam amittere; civilia tunc bella, nisi

inexorabilis Senatus legi firmiter obsti-  
 tisset; haudq; forsitan dilaniassent Re-  
 publicam; nec execrabiles Tyranni sub-  
 ferros eorum imperio, & Romanis, &  
 Orbem subegissent. Nimis Gracchi tra-  
 gebant potentes ex adverso, qui ultrici-  
 bus perciti furiis, quum tantum caperent  
 detrimentum, contra inviolatam unani-  
 mem exclamarunt; & auctorum sangui-  
 nem crudeliter effuderunt. Quotiescum-  
 que magna vel nova moluntur negotia,  
 expedit, ut prudentia duce per vias obli-  
 quas leniter homines progrediantur, ne  
 per semitas nimium directas euntes, oc-  
 cultum prodant consilium, ac exitus spe  
 frustrati difficultatibus, & periculis pe-  
 nitus exanimentur.  
 Quum igitur justitiae non sit con-  
 sentaneum, quod divites inter pauperum  
 gemitus comessentur, eorumque illadant  
 miseriis, equidem conveniens est, ut quan-  
 tum fieri potest suam cuique retribua-



res afflicti. Romani ex professo Milites  
 devictos inclementius habebant populos,  
 & Urbis abundantie, atque prosperitati  
 solummodo consulebant. Ex Philosophia  
 potius igitur quam ex antiquitate præ-  
 cepta sumere debemus, veluti sapienter  
 idem ait Cicerone de Legibus (8) *Non a  
 Prætoris edicto, ut plerique nunc, ne quæ  
 duodecim tabulis, ut superiores, sed ex intima  
 Philosophia hauriendam juris disciplinam  
 puto sapienter. Quod autem in iure  
 congruere vel potius contrahendi  
 libertatem citati venditoribus co-  
 ercebat, contra id quod Valens Imperator  
 disposuit. (9) Quod ut nemo vendere posset  
 domum, aut prædium nisi prius impe-  
 trato a finitimis consensu, qui prælatio-  
 nem habebant in emptione quod suis a  
 magnanimo Imperatore postea fuit abro-  
 gatum.*

(8) Lib. 4. de iudiis. *ad finem*  
 (9) in Leg. Dudum Dig. de contrahend. emption.



Amplissimarum possessionum Domini, qui alienare non poterant, & tamen semper acquirere, omnia in semetipsos societatis absque dubio bona collegissent, nisi amplius acquirendi habuissent prohibitionem.

Bona emphyteutica, quæ Monasteria, vel Ecclesiæ in fidem antiquitus receperunt, ut possessores defensionibus & Legum præsidiis destituti, crudelem militum, & latronum effugerent rapacitatem, ad instar allodialium redacta, cum antea Emphyteutæ juxta consuetudinem absque domini directi consensu de illis disponere prohiberentur, nunc ad hæredes libere, & ad omnes transeunt acquirentes. Ereptis impedimentis, quorum causa commercium, & libertas bonorum hærebant, unusquisque maiori spe, atque probabilitate fortunam ampliandi suam, libentius animum ad negotiationes, & ad ingenuas artes adiunxit.

B

Concessionibus, pluresque immunitates, quæ veræ tamquam iniuriæ, dum paucos gaudentes juvant, cæteros offendunt, retractari jubebat æquitas; cuius obtemperans præceptis Leopoldus privilegia omnia firmiter revocavit. Distinctiones honorificas solummodo Principes, veluti inexhaustum munerum, & virtutum thesaurum impendant, quæ dum cives optime de Patria meritos compensant satis, neminem lædunt, sed quum illas possint omnes adipisci, nobilem gloriæ ardorem mirabiliter incendunt, & foveant. Omnia igitur ita fuerunt comparata, ut facultatibus, & personis naturæ jura, ac necessarium æquilibrium restituantur. Quod si arduum exoptatam consequi æqualitatem fuerit, attamen, dummodo bona de una in aliam sæpe transeant familiam, nec in unum perpetuo consistant corpus, atque morentur, ignobiles saltem, & pauperes ex facilitate,

19

propter quam viam ad præmia, ad honores, atque ad opes explanatam cernunt magnam capient utilitatem.

Quid de Lege sepulcrali dicere debemus, quæ quantæ utilitatis sit nemini latet. Hæc ad instar Legum duodecim tabularum, assignato loco extra Urbem humationes prohibuit in Ecclesiis fieri, veluti contra maiorum usum, & Christianorum statuta exitiosa posteris temporibus invaluit consuetudo. Vetustis equidem sæculis Græci, & Romani, nationesque prorsus omnes cadavera in agris sepeliebant, & tantum Vestalibus, & Civibus maxime de patria meritis ex privilegio sepulchrum in Urbem erigere concedebatur, ut de Valerio Poplicola, & de Caio Cæsare Plutarcus (10), & Dio (11) narrant. Nunc vero visum est hoc abiectum aliquibus, qui ortus superbien-

B 2

(10) *In Valerium Poplicolam.*

(11) *Historiar. Lib. XLIV.*

tes claritate, etiam quum fato cederent, & nihil quam pulvis essent, aut umbra, terram cum terra miscere, & communem cum aliis habere quietis habitationem nimium turpe putarunt. Tot habemus in corpore Iuris Civilis, & Canonici Principum, & Pontificum Constitutiones, ut quam omnes aut referre, aut citare nihil foret molestius. Ita Lex duodecim tabularum jubebat. HOMINEM MORTUUM IN URBEM NE SEPELITO NEVE URITO; cui alludit Horatius dicens:

*Hoc miserae plebis stabat commune sepulchrum* (12).

Balduinus autem in suis Commentariis ad duodecim tabulas hoc valde salutiferum commendat institutum „ *Cæterum magna etiam prudentia est opus, religioni sepulchrorum tantum ne tribuatur, ut vivis res hec graviter non noceat, neve ambitio in hoc genere perniciosa, vel alatur, vel*

(12) Lib. I. Satira VIII.

*toleretur. Certe Marcus Tullius Platonem  
landat, qui præceperit, ne ex agro culto,  
eove qui coli possit, ulla pars sumeretur  
sepulchro, sed quæ natura agri tantum-  
modo efficere possit, ut mortuorum corpo-  
ra sine detrimento vivorum recipiat, &  
sic Oinotomus loquitur in Institut. tit.  
de interdictis, Prætor mortuis hominibus  
circa sepulturam prospicere voluit, & de  
iure civili corpora defunctorum propter fæ-  
torem non poterant sepeliri intra Civita-  
tes, sed extra in campis, & in locis pri-  
vatis, ubi quilibet sibi locum sepulture  
eligere potest. Hæc duæ doctissimorum  
Hominum sententiæ sufficiant, quum a  
nobis nihil magis, aut melius possit  
adiungi.*

Substitutiones, primogenituræ, & fi-  
deicommissa supersunt, ut celeriter de  
illis etiam verbum aliquid faciamus. Et  
apprime nostræ sese exhibet cogitationi  
infelix creditor, ad ultimam perductus

miseriam decoctus, inhonoratus, & in  
carcerem iniuste detrusus, interea dum  
fideicommissis prodigus fidens debitor,  
qui antiquam familiæ suæ jactat proge-  
niem, &

*Alta*

*Ambitione tumens vulgo se prædicat ortum  
Dissecta cervice Iovis (13).*

Audax, ut Phæton in rhedis proveheitur,  
& in divitiis, & in voluptatibus natans  
turpiter explet vitam. Inter complures  
deinceps filios qui ad Patris successionem  
idem omnes jus habent, uni tantum in  
primogenituris, & feudis dominium tra-  
ditur, & cæteri fratres indigentes alicubi  
subsistentiam sibi comparare coguntur,  
nec nubere, novamque possunt fundare  
domum, per quam & humanum genus  
multiplicetur, ac defensoribus civibusque  
Patria semper abundet. Substitutionum  
caussa latifundia sæpe in unum conge-

(13) *Seftanus Satira VIII.*

runtur caput, & libera potestas testandi deque suis facultatibus disponendi, quæ jure naturæ competit omnibus, artibus adeo coercetur limitibus, ut fideicommissarius hæres de bonis per fideicommissum acquisitis micam nequidem post sui decessum possit donare; successor enim non a Patre, vel ab ultimo Testatore, ut inquit Iuris Consulti (14), sed ab instituyente vocationem habet qui ad extremum Mundi exitum usque, quasi ad mortalem rediturus vitam stulte rerum suarum, atque familiæ sollicitudine moriens exeditur. Parum tot malis binæ Leges Francisci I. Augusti providerunt, propterea quam optimus ipsius Filius veluti reliquias arbitrariæ jurisprudentiæ, aut ambitionis inane monumentum fideicommissa funditus evertere melius existimavit.

## B 4

(14) Justinianus *Instit. tit. de vulg. substit. in princ.* Papinianus in *L. cohæredi Dig. de vulgar.*

Sed prætereunda non est eximia debitorum Lex ab humanissimo Principe edita, (15) super quam nunc ad disserendum aliquantum aggredimur. In ipsa sapienter statuitur, quod creditor ad crediti satisfactionem obtinendam nequeat contra debitorem suum personalem experiri, quam antea habebat actionem (16), at solum realem vindicationem exceptis tamen creditis commercii ratione contractis, vel ab advenis, qui non possident, nec in Etruria, domicilium acquisiverunt, vel a depositariis pignorum, & a pecuniarum exactoribus, in quibus sæpe fraudi damnum coniungitur. Usque adhuc potentum pedibus conculcata humanitas quievit, nec amplius ingemuit, cuius quærulæ voces, & preces

(15) Anno 1782. die 26. Octobris.

(16) Caius in L. creditor Dig. de reb. credit. Puffendorfius de iure naturæ, & gentium lib. III. Heinecius Antiquit. Romanar. Lib. III. Tit. XXX.



Philosophorum scriptis excitatæ ad supremam clementiæ sedem feliciter pervenerunt. Hoc tamen æquitatis actum turpe sane dictu a quibusdam, quamvis paucis & insciis, quasi iniustum, ac exitiosum quidem omnibus improbatur; nam veluti imprudenter ajunt, reciproca debitorum, & creditorum destruitur fiducia. Sed Lycurgus, & Solon ulterius excesserunt: Stricte ille servata æqualitatis Lege agros, & prædia distribuit Lacedæmonibus, & hic Athenis, Plutarco teste, ~~(17) propria auctoritate~~, quod postea a Populo sancitum fuit, pauperum commotus pœnis debita remisit, omnesque delevit obligationes. Hæc vere erant iniusta, & sacra proprietatis jura obturbabant, at quum ad reipublicæ bonum tenderent comparandum, nemo tunc surrexit qui palam de illis inclytis virtute viris conquæreretur, & qui eosdem iniu-

(17) In Solonem, & Valerium Poplicolam.

stitiæ crimine auderet arguere, nemo nostra  
 adfuit ætate. Publica, ut metueba-  
 tur frustra non minuit fides, nec mer-  
 cium hæsit cursus, nec a commodandis  
 pecuniis restiterunt fœneratores. Scitum  
 foret enim superfluum habentem in scri-  
 nio potius asservare, quam utilius fœne-  
 rari; & nisi crederent, officinas subscude  
 firmare, ut dici solet caupones, & arti-  
 fices cogerentur. Ex publica fiducia exo-  
 ritur credita exigendi facilitas. Quod si  
 debitor, ut solvat non habet in ære, vin-  
 cula num reddent solventem? Aquam ut  
 Plauti dicam verbis, e pumice postula-  
 mus. Quum autem unde solvere habeat  
 in bonis realis succurrit actio; quæ ad  
 personalem extenditur, dummodo ipse  
 fraudolenter bona sua importunæ exacto-  
 rum indagini surripiat, & abdat; tunc  
 etenim merito ad carcerem condemnatur;  
 ut doli tantum reus, non ut debitor.  
 Nec rarum probat exemplum, quod ali-

qui æs alienum exolvant, nexus timore  
perterriti, quoniam novum absque dubio  
contrahunt debitum, & ut tritum est  
proverbium, Penelopes telam intexunt.  
Malo malum remedium unquam esse  
non potest, ideoque omnibus debet ini-  
quum videri, ut uxor dote ac substantiis  
spoliata una cum filiis ad extremam re-  
digatur humilitatem, nec miseris ullæ  
beneficus spei radius effulgeat. An pecu-  
nias fœnori dare suspiciosi divites recu-  
sabunt? Minime hoc timendum; nam  
quum

*Crescat amor nummi, quantum ipsa pe-  
cunia crescit, (18)*

& auri sacra fames, numquam expleta  
deficiat, ac ideo spe quæstus illecti homi-  
nes fugientis vitæ negligunt delicias, ip-  
samque potius immo vitam quam opes  
libentius amittunt, illasque augere sem-  
per, & cupiunt, & student. Fœneratores

(18) *Juvenalis Satira XIV.*

itaque in posterum cui credant consul-  
lent, & pauperes diurnis stipendiis, ope-  
rumque pretiis auctis seipsos debitis exi-  
ment facilius. Toculliones vero, qui pe-  
cunias ingenti dant fœnori, ut inexperti,  
vitiosique juvenes in præceptis ruant, &  
ipsi aliena locupletentur jactura; præsi-  
dium, legumque curas haud promerentur,  
sed potius ultionem, & pœnas. Quum  
igitur personalis actio, dum creditores  
non adjuvat, miseris autem summopere  
noceat, patens est, ex ipsa maximum rei-  
publicæ exoriri detrimentum, summum-  
que Imperantem, quam hanc iniustam  
maiorum Legem abrogare, nihil sapien-  
tius, & nil rectius egisse.

Veteres, & præsertim Græci, qui in-  
scientiis, & legibus magistri putabantur  
quomodo se gerebant, interim videamus.  
Et fateri revera cogimur, Græcorum mo-  
res multum ab humanitate, & iustitia  
aberrare. Lycurgus etenim, & Solon,

ut inveteratis malis validum ferrent remedium, proprietatum ordinem inverterunt, & quasi in pristino societatis initio, novam bonorum fecerunt distributionem. Adeo vehemens medicina, morbi quoque violentiam supponit. Sed rursus divites insurrexerunt acerbius in pauperes, & Decemviri inhumanissimam debitorum legem ab Atheniensibus haustam in duodecim tabulis retulere, quam ipsi postea in pejus mutarunt, ut melius in Romanum populum sævire potuissent. ~~Nec Regibus quidem imperantibus debitorum sors felicior fuit; immo Dionisius Halicarnassensis narrat (19) optimum Regem Servium Tullium jus in personam abstulisse, & jus in rem creditoribus solummodo reliquisse. At humanius hoc Servii Tullii institutum jamdiu non viguit, nam ultimus Tarquinius omnes ejus Leges abrogavit, barbarumque mo-~~

(19) *Historiarum Lib. IV.*

rem restituit, quasi e postliminio red-  
 cem. Populus autem, quum se in Mon-  
 te Sacro Patriciorum, Senatusque tiran-  
 nidi subtraxisset, falsis eorum deceptus  
 blanditiis, & promissionibus, potiusquam  
 a Menenii apologo convictus, & ductus  
 ad consueta rediit officia. Aulus Gellius  
 (20) posteris invisam transmisit legem  
 duodecim tabularum, & Appii Claudii  
 orationem de hoc argumento in Senatu  
 habitam tradit Dionysius (21) in qua  
 statuitur veluti legale axioma, *quod non  
 habens in ære luat in corpore*. Ita vero  
 lex præcipiebat: ÆRIS CONFESSI, REBUSQUE  
 IURE IUDICATIS TRIGINTA DIES IUSTI SUNT.  
 Incredibilia erant mala, & innumera quæ  
 patiebantur obarati. Postquam in vin-  
 cula turpiter abripi crudelis jusserat præ-  
 tor, furentes satellites illos flagellis ver-  
 berabant, & quasi captivos decernebat

(20) *Noſt. Attic. XX.*

(21) *Historiarum Lib. V.*

creditoribus pertinere, a quibus abiectis, laboriosisque destinebantur servitiis; ut Dionysius idem Halicarnessensis (22), Quintilianus (23), & Aulus Gellius (24) testantur. Iuvenis Veturii exemplum, quem Plotius, cui parentis sui funeris impensas debebat in servitutem adduxit, satis hanc confirmat veritatem.

Neque hoc etiam divites contenti una cum patre debitore filium pariter detinebant, quasi novum pignoris genus, nec veluti Plinius iunior memorat, (25) ei senio, vel infirmitatibus oppresso parcebant, & post obitum usque illum persequiebantur, non sinentes defuncti corpus e domo exportari, & ad sepulturam duci. Nihil turpius nil hoc scelestius tunc præsertim putabatur, quum vulgo

(22) *Historiar. Lib. IV.*

(23) *Institut. Orator. Lib. VII. & VIII. & Declam. CCCXI.*

(24) *loc. cit.*

(25) *In Panegyrico ad Traianum.*



crederetur manes, quorum cadavera jacerent inhumata, perpetuis affici suppliciis. Creditorum auctoritas ita aliquando ulterius excessit, ut ex dispositione duodecim tabularum quisque, discisso æquis partibus debitoris corpore, portionem suam posset accipere, idque sectio corporis vocabatur. Sed aliquibus hæc lex iniusta, adeoque improba visa est, ut potius affirmarent de sectione bonorum, quam corporum intelligi debere; huic licet sententiæ genuinus verborum sensus obsistat, & Quintilianus (26), Cæcilius Iurisconsultus (27), & Tertullianus (28) sentiant seorsim. Stultissimum revera hoc nobis videtur; at si stultum propter hoc quod stultum est reiici debuisset, in hominum historia fide dignum sapientes vix aliquid invenirent. Populus autem semper de Patriorum iniustitia conquærebatur, bono-

(26) *Instit. Orator. Lib. III.*

(27) *In Aulo Gellio loc. cit.*

(28) *Apolog. IV.*



rumque civium inutiliter implorabat auxilium. Iulius Cæsar, qui nisi occupasset, mortalium omnium erat imperio dignior, Decemvirorum abolevit constitutionem, & Servii Tullii Legem suprema firmavit auctoritate (29). Apud veteres saltem domus propter Religionem, & Penatium cultum veluti asylum sacrum habebatur, nec umquam violari sinebant Leges (30). Apud nos vero cuilibet licitum est in jus rapere debitorem in suis etiam ædibus absconditum, ubi tutum esse poscit justitia, illumque ab uxoris, & filiorum amplexibus inexorabiles Lictores violenter divellunt. Ita igitur ab hominibus homines asperrime vexantur, ut ipsi quidem agrestes Scythæ a perfidis hisce moribus abhorrent?

*Quod genus hoc hominum, quæve hunc  
tam barbara morem,*

(29) Iulius Cæsar de Bello Civili Lib. III. & Suetonius in Cæsarem.

(30) Caius in L. plerique Dig. de in ius vocando.

*Permittit Patria? (31)*

An belluæ potiusquam homines sumus!  
 Num tam barbaris modis belluis ipsis  
 non efficimur deteriores, quemadmodum  
 Poeta cecinit!

*Neque hic lupis est mos, neque leonibus  
 unquam,*

*Nisi indispas feris.*

Utinam de huiusmodi rerum veritate dubitare possemus, sed quæ de illis indubitata reddunt fidem, manent monumenta. Et præcipue Imperatores Diocletianum, & Massimianum in *Leg. ob æs alienum Cod. de actionib.* ita legitur præcepisse „ *ob æs alienum servire liberos creditoribus jura compelli non patiuntur* „ (32) Ex his ergo verbis colligitur, quod debitorum filii creditoribus inserviebant, & parentes extabant adeo efferi, ut ipsi, & filios pignori darent, aut venderent,

(31) *Virgilius AEnëid. Lib. I.*

(32) *Paulus in L. Creditor Dig. qui potiores.*

35

simulque pretium reciperent (33). Iustini-  
niani autem ætate, qua Christianæ Reli-  
gionis spiritus misericordiam, & clemen-  
tiam sollicite commendabat, juxta Moy-  
sis præceptum in Exodo (34), eiusdemque  
Divini Salvatoris (35) ab hac debuisse  
impia Ethnicorum consuetudine divites  
recedere nobis videbatur. Et tamen idem  
Iustinianus in suis novellis (36) constitu-  
tionibus sic contra testatur „ Quia vero  
& huiusmodi iniquitatem in diversis locis  
*nostræ Reipublicæ cognovimus admitti, quia*  
*creditores filios debitorum præsumunt reti-*  
*nere, aut in pignus, aut in servile mini-*  
*sterium, aut in conductionem, hoc modis*  
*omnibus prohibemus, & jubemus, ut si*  
*quis huiusmodi aliquid deliquerit, non so-*  
*lum debito cadat, sed tantum aliam quan-*

C 2

(33) Diocletianus, & Massimianus in Leg. qui  
filios Cod. qui pign.

(34) Cap. XXII.

(35) Matthæus Cap. XVIII.

(36) Novella CXXXIV, Collect. IX. Tit. X.

*titatem adiiciat dandam ei, qui retentus est ab eo, aut parentibus eius, & post hoc etiam corporalibus pœnis ipsum subditi a Loci Iudice, quia personam liberam pro debito præsumpserit retinere, aut locare, aut pignorare „* Quamobrem evidenter agnoscitur, sapientissimas Diocletiani, & Massimiani Leges obsolevisse, quæ novis adiunctis pœnis postea ab eodem Imperatore fuerunt restitutæ. Superius autem in Novella sexagesima (37) per extensum enarraverat, quomodo dives creditor contra debitorem suum in mortis articulo constitutum inique se gesserat. Hic plusquam Marpesia cautes insensilis, & pietatis, religionisque vocibus nihil obtemperans, congregatis militibus, & servis in eius domum violenter ingrediens ira morientem compressit ut exanimem penitus reliquerit, & postea auctoritate sua signacula rebus imposuit, nec defunctum

(37) *Collect. XX. tit. XX.*

iniuriare eum piguit, nec voluit recedere, sed primum quidem insistens non fieri exequias, deinde non sinens de domo deponi mortuum, atque lectum portari, nisi creditum exegisset, aut donec idoneum accepisset sponsorem, quo pacto defunctum terræ tradi permisit.

Hæc Iustiniani commovendis animis apta sufficit narratio, ut absque ulla dubitatione concipiamus summam illorum temporum iniquitatem, ob quam causam ultimi supplicii pœna huiusmodi rei criminis afficiebantur.

Sed plures politica, & æquitas validiores rationes pro nostra tuenda sententia suppeditant. Inter quas certe primum obtinet locum illa ab animadversione desumpta, quod debitor nec reus est, nec reo quidem juste æquiparari potest, quisquis etenim honestæ conditionis vir calamitatibus, & fortunæ vicissitudinibus subiicitur, durisque sæpissime urgetur ne-

cessitatibus. Iniquum est igitur, humani-  
 sque moribus absonum, ut afflicti magis  
 magisque affligantur, utque dulci pri-  
 vati libertatis thesauro ignominia pari-  
 ter, & contumeliis notentur. Quid veris  
 autem delinquentibus reservant Leges;  
 dum pœnæ adversus innocuos, aut mise-  
 ros omnes exhauriuntur? Et contra rei-  
 publicæ summiopere interest, ut indigen-  
 tes potius manibus sibi quærissent victum,  
 quam ad desperationem frustra perducti  
 ostiatim stipem rogent, & petant. Quum  
 ipsi iucundum mendicantium vivendi ge-  
 nus delibaverint, tunc otio dediti, &  
 omnino laboribus inhabiles utilem, &  
 operosam artificum vitam parvipendent.  
 Cur non utilius stimulantur pauperes ad  
 augendum in prædiis agricolarum nume-  
 rum, ubi

*Desunt manus poscentibus arvis?* (38)  
 & plures artes nonne declinant, aut pe-

(38) *Lucanus Pharsalia Lib. I.*

reunt, quia ad labores, & opera deficiunt artifices? Nec solum: propter utilitatem miserabiles adiuvere, eorumque inopiæ succurrere optimum est, sed etiam ut periculum auferatur, ne societatis commodis, præsidioque destituti, illam pariter derelinquant, neque triconum socii, aliorumque perditorum hominum effecti, patriam communem omnium civium matrem quasi parricidæ sceleribus discindant, horridisque eorum suppliciis contristent, & angant. ~~Servilia~~ Italiæ, & Siciliæ bella ob dominorum, & divitum sævitiam erupisse, nemo dubitat, quemadmodum ex historiis comprehenditur, maximam in exercitu debitorum, & pauperum partem habuisse Spartacum gladiatorem, qui meliori genere, & fato dignus læsæ humanitatis quasi vindex surrexerat, & ultimum Romanæ Reipublicæ eccidium minitabatur. Proh dolor! Severis potius legum minis perterriti homines, quam dul-

cibus naturæ commoti stimulis, feminam exuerunt immanitatem. At novo Cæsari saltem omnes plaudant unanimes, & veluti bonis, christianisque decet civibus, in ipsius congruant mores, humanioribus eiusque legibus indesinenter obtemperent.

Magnum publicæ felicitatis opus inceptum, & a Leopoldo prorsus absolutum Ferdinandus III. in Patris locum ad Etruriæ regimen assumptus, nec minus ipsius Patris imperio dignus, mirabiliter in totum perficiet. Ab incunabulis usque, quasi arbor tenella attentissimæ egregii cultoris commissa vigilantia, sub eius auspiciis adolevit, qui novellus Chiron illam puris irrigans aquis virtutum haustis fonti, ita fecit velociter prosperare, ut jam nunc fœcunda maturos afferat, & flores, & fructus. Consilarii autem, & Ministri incorruptibili justitia undique clari prope Solium considunt, qui omnibus præstantes virtutibus Philosophorum



Principem Senecam, vitiis tamen exceptis, imitantur, & Seiani mores exemplo improbant, & abhorrent. Ferdinandus tandem inclyta suorum huiusce nominis Decessorum sequens vestigia, ita quomodo, & ipsi fecerunt, dominabitur, ut eius nomen, comite ubicumque gloria, ad immortalitatis, & virtutis templum pervenerit. Florentiæ natus, illi mater Etruria est, quæ merito gloriatur tantum Filium, & tantum progenuisse Civem, per quem aurea Laurentii, utriusque Ferdinandi Medicea sæcula sunt reditura.

*Nam illi quum facilis mores natura pudicos,*

*Et raras dotes ingeniumque dedit (39).*

primo oculorum ictu videbit, quid artes, quid scientiæ, quid denique Reipublicæ salus, bonumque postulant, unde Princeps, & Subditi mutua invicem benevolentia sese prosequentes magnam, & unicam tantum componant familiam. Hæc

(39) Ovid. Trist. Lib. III,

mea, totiusque Etruriæ sunt vota: utinam  
adimpleantur, ut omnes plane felices de  
tanto nobis a Deo dato Viro semper gra-  
tes quam plurimas referamus, & ille glo-  
riosa Optimi Principis, & Patris Patriæ  
promereat nomina, veluti Traianus, An-  
toninus, & Marcus Aurelius obtinuerunt.

Te demum, o Vir clarissime, qui  
neminem aut saltem paucos habes in  
Philosophia pares, & cui Lucani de  
Catone Uricensi loquentis celeberrimum  
convenit elogium,

*Iustitiæ cultor, rigidi servator honesti* (40).  
oro obtestorque, ut quam opus, ingenii  
mei indulgens tenuitati, potius plausu di-  
gnum auctoris desiderium respicias. Cen-  
sor enim, qui minucius, & scrupulosius  
rimans omnia nimis asperum de aliis af-  
fert iudicium, in suis postea illi venia  
opus est, quæ vix ab ipso, vel numquam

43

impetratur , quemadmodum de Asinio  
Pollione enarrat Seneca . Apud te vero ,  
qui doctrina , simulque humanitate inter  
omnes excellis , haud timeo veniam me  
fore consequuturum , ac tuam quidem  
ego non indulgentiam tantum adipisci ,  
sed patrocinium , & laudes obtinere con-  
fido , quum optimum in te Patria Civem ,  
religiosum pietas virum , & amicum  
benevolum atque utilem amici constan-  
ter adinveniant .

oooooooooooo

4504251 D

oooooooooooo



B. 17.5.823.7



B.N.C.F.



